



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O PODIZANJU SPOMEN OBILJEŽJA KAZANI
(Prijedlog)

Predlagač: Komisija za spomenike
Obrađivač: Služba za urbano planiranje, investicije,
stambene i komunalne poslove

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 26. stav (1) tačka 2. Statuta Grada Sarajeva („Službene novine Kantona Sarajevo“ broj 34/08 – prečišćeni tekst) te člana 20. i član 21. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20), Gradsko vijeće Grada Sarajeva, na sjednici održanoj __. __. 2021. godine, donijelo je

(prijedlog)

**ODLUKA
O PODIZANJU SPOMEN OBILJEŽJA KAZANI**

**Član 1.
(Predmet)**

Podiže se Spomen obilježje Kazani (u daljnjem tekstu: Spomen obilježje) kao Spomen obilježje od značaja za Grad Sarajevo.

**Član 2.
(Lokacija i idejno rješenje)**

Spomen obilježje se podiže na području mjesne zajednice Mahmutovac, lokalitet Kazani, dio k.č. 2120/1 KO Sarajevo IX, a prema idejnom rješenju koje je sastavni dio ove Odluke.

**Član 3.
(Obaveze)**

Podnosilac inicijative je Grad Sarajevo koji će poduzeti sve aktivnosti na podizanju Spomen obilježja.

**Član 4.
(Finasiranje)**

Finasiranje postavljanja Spomen obilježja snosit će Grad Sarajevo.

**Član 5.
(Stupanje na snagu)**

Ova Odluka stupa na snagu danom objave u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,

OBRAZLOŽENJE

I PRAVNI OSNOV

Pravni osnov za donošenje ove odluke sadržan je u odredbama člana 26. stav (1) tačka 2) Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

Pravni osnov sadržan je i u članu 20. Odluke o spomenicima od značaja za Grad Sarajevo („Službene novine Kantona Sarajevo“, br. 49/19, 28/20) kojim je propisano da odluku o podizanju spomenika od značaja za Grad Sarajevo donosi Gradsko vijeće Grada Sarajeva. Članom 21. su propisani obavezni elementi odluke.

II RAZLOZI DONOŠENJA

Inicijativa za podizanje spomen obilježja na lokalitetu Kazana razmatrana je na sjednici Komisije za spomenike Gradskog vijeća Grada Sarajeva 16.02.2012. godine i tom prilikom konstatovano je da je Inicijativa predložena u skladu s kriterijima za utvrđivanje spomenika od značaja za Grad Sarajevo iz Odluke o spomenicima od značaja za Grad Sarajevo.

Na 9. sjednici Gradskog vijeća, održanoj 23.12.2013. godine, Inicijativa za podizanje spomen-obilježja na lokalitetu Kazani postala je Inicijativom Gradskog vijeća.

Programom podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2021. godinu, broj 01-GV-02-1287/20 od 30.12.2020. godine, pod tačkom 1. planirano je podizanje Spomen obilježja žrtvama na Kazanima.

Predložena lokacija za podizanje Spomen obilježja nalazi se na području mjesne zajednice Mahmutovac, lokalitet Kazani, dio k.č. 2120/1 KO Sarajevo IX, a Grad Sarajevo će poduzeti sve aktivnosti na podizanju spomen obilježja.

III OBRAZLOŽENJE PRAVNIH RJEŠENJA

Članom 1. se definišu opće odredbe odluke.

Članom 2. se definiše precizna lokacija podizanja spomen obilježja i idejno rješenje kako sastavni dio ove odluke.

Članom 3. se utvrđuje da će Grad Sarajevo biti nosilac aktivnosti na podizanju ovog spomen-obilježja.

Članom 4. se definiše Tko će snositi finansijske troškove ovog projekta.

Članom 5. se definiše vrijeme stupanja na snagu ove odluke.

FINANSIJSKA SREDSTVA

Za realizaciju ove Odluke potrebno je predvidjeti sredstva u Budžetu Grada Sarajeva.